

莆田水利志卷三

陳池養編

陂塘

延壽陂

延壽陂唐建中間邑人吳興創築在常泰里延壽溪塍海

陂水通溝宋嘉祐中始隄太平陂之水元延祐時復分

水蘭陂之水溉莆西北東常泰里延壽孝義里上林溪頭

西庚下戴暢山大洋埔頭上下南溝濠亭登科口四亭陳橋

三步徐橋西機西海染店東上南黃溝街西洋鎮前

孝月墓坑西湖宮後衙口后劉宮下蔡興教里碗窰埔頭陳厝尾

上俞后亭洋尾塘邊南埕直街大埕

尊賢里淡頭西墩尾東黃仁德里溪安圳下后亭陳墩

度店廟前水流利

大橋頭澄林山陳墩

后俞 大溝 西鄭 北溝 宮兜 長豐 溝下 上 林埭

西港邊 游橋頭 溪口 前黃埭 蔡埭 北港 雷岑 頂半埔

前庵 后角 港邊 港尾 利墩 周墩 崑墩 上鄭 前港 七步七墩

吳刀 上黃 洋池角 后亭 莊裏 前後上林 大度下 柯塘 上郭

魏塘五村 郭莊 延興里 蘆浦 斗頭 桂林 東周 東溝 南箕

新港 後鄭 延興里 傅墩 前墩 西洙七墩 江邊 黃溝邊

新溝 黃墩 東陽 延壽里 涵頭市 塘北 下林 卓埔 沖沁

下吳塘 溝西 田岑 延壽里 度邊 棋兜 前後東埔 坂頭西林

倉口 望江里 上港 田厝 上方 高里 百美 新浦 半埭 磻頭

金墩 蘇厝 洋中 北附郭 拱辰 東附郭 東門街 西社

巖嶼 埔尾 塘頭 北附郭 潭頭橋 東附郭 枋尾 梅花亭

周溝岑 斗門頭 南附郭 南門街 后巷 溝下巷 溝頭 東埔

下墩 闊口街 下林 杭頭 嶼上 蕭厝 謝厝

榔橋 亭墩 吳墩 下黃 大小共一百七十二村統名曰北

洋

北延壽陂溉田四百餘頃建中年置

新唐地理志

延壽陂在府城北七里唐建中置灌田四百餘頃明一統志

延壽陂在府城北常泰里唐建中間郡人吳興築延壽

溪西附山東距海南北通浦溪流元出渡塘按應作杜塘赴浦

入海興始睦海爲田築長隄遏流南入沙塘坂醜爲巨

溝三析爲股溝五十有九卽陂口別爲二派曰長生港

曰兒戲陂瀕海六十泄以殺水今郡指李宏所開爲南

洋吳興所開爲北洋國朝永樂五年通判董彬重修改

名永利陂按董所修乃使姓陂今仍舊名八閩通志

兒戲陂在延壽陂上東邊吳興於渡塘溪口別分一派

通浦壅沙爲睦遏水入洋南大溪溢推沙注井水減順

流南下沙復自壅成塍若兒戲然今尊賢里丁仰漑此

水

按以兒戲陂爲使華陂未確

長生港卽延壽陂中港吳興於漏塘上開

港通溪開拔溪源時水下海民田獲利號長生港今東

廂延興仁德孝義諸里田仰漑此水初尊賢里以兒戲

陂地高水入爲難爲斗門於長生港塞其水使專注兒

戲陂成化十二年東廂耆民白其狀於分巡僉事陳輕

檄指揮僉事丁遠往區畫計田定水以長生港應得十

之八九兒戲陂應得十之一二議決長生港置牖每啓

一晝夜泄漑諸里田復閉一晝夜蓄注兒戲陂各命里

耆一人司啓閉復於他里之無與此利者一人總督之

成化十二年福甯道處分按驗刻石龍坡廟同上○按

尊賢里田延壽陂溉全洋田至全洋皆涸卽盡竭使華之水所救無多

延壽陂在縣北七里地名渡塘考宋志唐建中年置原注

鄉里相傳作神龍中置溉田二千餘頃唐史作四百頃其溪首受故興化縣

西南諸水一股自何巖入九鯉湖出莒溪東行一股自

荻蘆溪歷諸陂壩西南行至漁滄溪與莒溪水合而東

出渡塘入海及吳公興塍海爲田築長隄渡塘遏流南

入沙塘坂漸平洋諸田名延壽陂陂口別爲二派一名

長生港在漏塘上深入八尺廣五丈口深四尺時水暴發

開拔疏通下海民田獲利號長生港一名兒戡陂通浦

壅沙爲塍遏水入洋遇時水發推沙注海水溪順沙
復成塍若兒戲然按吳公建陂疏此二派以洩時水如
今裏河諸閘爲殺水而設備載宋郡志彭志謂年久陂
廢遺址莫覩則使華陂乃後人別建之也

安治府志。按周黃同時而
所見不同應以周言爲是

延壽溪自游洋發源逕莆田豬延壽東入海唐時有吳

興者謂溪出渡塘逕流入海不足溉田卽延壽陂後塍

海爲田

按晉
在陂下

築長隄杜塘遏流入沙塘坂爲溝若泄各六

十餘導以灌北洋田分二派以殺水港曰長生陂曰兒
戲久之渡塘隄數潰興提刀窮穴索蛟斬之語其妻曰
鼓之水色青者蛟死水色紅者吾死紅青渾騰人蛟俱

斃數日陂東興所持刀人乃得之蛟死隄完水旱無害

莆人言南洋水利曰李長者言北洋水利曰吳長官長

官所陂延壽溉田可萬餘頃所隄杜塘溉田可二千餘

頃閩書○按延壽陂既田數萬畝所稱溉田萬餘頃二千餘頃俱未確

延壽溪者故興化縣諸水皆匯城北唐神龍間吳興築

長隄杜唐按應作杜塘遏大流南入沙塘坂名延壽陂莒溪

之水入焉溪受游洋鯉湖諸水會漁滄八瀨以達延壽

至礪浦按應作荔浦即蘆浦也入海名勝志○按今水分由蘆浦西湖新港慈壽四斗門入海

延壽陂在莆田縣北七里溉田四百餘頃大清一統志

延壽陂在府城北唐建中間郡人吳長官興築溉北洋

田溪源洪大慮時水爲患於漏塘上開港通浮名長生
港於杜塘溪口別分一派通浦名兒戲陂今郡指李宏
所開爲南洋吳興所開爲北洋云

福建通志

延壽陂在縣北常泰里先時興化舊縣諸水

原注即游洋溪○按

延壽溪溯源九鯉湖及長嶺溪在舊縣爲小支流其游洋溪則在舊縣治流出五臺嶺由永福大樟入南臺江

匯延壽溪出杜塘趨海唐建中間吳長官興勝海爲田

於杜塘築堤遏大流南入沙塘坂名延壽陂溉北洋

田二千餘頃

○辨見上縣志

按古稱蓄水曰陂莆之陂多矣類疊石堰溪遏水趨
灌遇溪可截爲之惟延壽陂創始唐建中間築隄障

溪分流入溝溉田障而能蓄亦名以陂又有所謂兒
戲陂者年久迹湮莫知其處後人以使華陂當之明
提學僉事黃仲昭至見之碑文纂入通志以爲灌全
洋者長生港灌尊賢里者兒戲陂起於一時爭水之
言依傍而失其實周瑛宏治府志旣明其非縣志載
兒戲陂於延壽陂之下是矣而以使華陂爲長生港
古基猶游移其間也嘗考其原委相其地形竊謂延
壽溪向由杜塘趨海吳興始築長隄遏大流入沙塘
坂各書所載皆同杜塘在今尊賢里卽使華陂圳道
通流處也較延壽以下溪道高下奚啻一丈水勢就

下無其沙壅入高地之理且旣築隄又復通港是白
壞其隄也則使華陂之非兒戲陂也明甚又溪與陂
以延壽村得名使華去延壽五里未至村而以延壽
名之亦與情勢不合以日前水道觀之延壽之下所
爲二渠順流由七星潭而達蘆浦者其勢逕疑卽古
長生港也轉由企溪大洋而灌陳墩以下各村莊者
其勢曲疑卽古兒戲陂也其時引水通溝斗門未立
分六十泄以洩之水徑易達蘆浦實當其衝循流直
下不能更易故曰長生港其分入企溪各溝則屈曲
以通分流之處水勢洄狀流緩沙停遇漲則開漲過

則聚於理有之故曰兒戲陂以其蓄水溉灌亦名爲陂猶言延壽陂也壅築漸增水力行遠設立斗門深入溝底掣流旣急沙不復壅矣府縣志引明邑人尙書彭韶志稱遺跡莫覩而溪流溉田如故真善名狀也惜不能明指其處耳

雍正十年秋陂壞四十五丈知府蘇本潔詳請動項修築邑人大僕卿林源記

按卽延壽橋上八字陂也延壽水由西北直趨東南入海唐吳興築隄杜塘障之開溝南行由蘆浦入海卽長生港也又分溉東北涵江一帶卽兒戲陂也延

壽在宋時爲興郡進省孔道今廣業里入郡城仍取
道焉宋邑人李富建石橋斷水十三道計長三十餘
丈溪廣流舒水綠如澱莆陽比事稱十里無湍激聲
歷年旣多水勢北趨沙壅南岸溪狹水急北岸潰決
橋因以圯明萬歷四十年邑人給事中黃起龍募修
橋疏淤填圯於北岸砌石形如八字俗呼八字陂因
七星橋以下溝道淤塞水勢不暢所造八字雍正十
年圯於水知府蘇本潔修築復圯正流直趨涵江乾
隆四十八年邑人編修林兆鯤呈畧知府福 許募
修修不如法岸潰爲淵溪壅爲田計橋十三門通水

僅三門而又淤淺水由潰處挾沙入溝每遇漲發廬
舍淹浸道路阻艱道光九年邑人遵 宮保金匱孫

公訓諭募濬北洋溝十年春開橋上下游塞使水入

長生港故道於左岸循舊址築石隄高一丈三尺廣

五尺長四十丈接築土隄三十餘丈隄下松木排椿

深釘編竹堆石攔水不使內齧

按所築土隄旋被衝決道光十二年增築

石隄三十餘丈連舊築石隄一律加高二尺溪漲仍
溢道光二十五年近北石隄被水衝倒十八丈未修
之橋下八字亦久經衝壞呈明署知縣趙印川修築
隄內砌石爲護凡八處頂溜堆石磯砌橋下八字直
隄二十四丈隄上埽條石犂水又砌橋北橫隄二十
丈高五六尺不等道光二十八年橋圯八字決橫堤
亦壞

比洋溝渠

延壽陂下南大溝一通小溝二十有一自黃臂橋西至

琵琶槽遠及章魚頭

按所稱小溝二十有一自茆洋以下為溝十其數不符福建通志改

作小溝二十又與五十九道之數不符縣志皆作小溝二十二而茆洋以下之溝仍二十也 ○茆洋段

溝二林埭溝灌本埭田斗門西溝灌西嶸田 ○蘆浦塘

溝二東蘆溝灌本埭田烏龜頭溝灌蘆浦與濠塘田

按宏

治府志作蘆浦塘溝三其下 ○新塘溝二橫塘圳口溝
仍載溝道二必遺其一也

灌第二橋田並葉塘田猿臂溝灌第一橋田 ○葉塘溝四

小溝灌林塘洋田南分溝灌章魚頭田潘埭溝第三段

溝各灌本溝田 ○南箕段溝二中嶸頭溝灌王塘洋田

西腰溝灌南箕洋田○西崴段溝二湖中溝小林塘溝

各灌本溝田○琵琶槽段溝四黃官溝李落溝下溝各灌

本溝田南溝灌琵琶槽洋田○章魚頭溝一號章魚頭

小溝灌本溝田○陳塘溝一號嶺下溝灌本溝田

八閩通志

大溝一通小溝二十有六白沙塘迤邐至聖墩

按宏治府

志應作迤邐聖墩下甯海鎮

○濠浦塘溝三方埭溝灌本溝田南分

溝灌南分洋田濠浦下溝灌濠浦塘田○三步段溝二

腰溝灌三步段田南來瀝塘溝灌國權院田○漏塘溝六

吳隴溝腰溝七弓溝鴨籠溝烏埕溝南分溝各灌本溝

田○陳塘溝二七弓溝灌兩畔田新溝灌本溝田○深

浦塘溝六黃圳溝灌慈壽院田鄭溝魏塘溝南分溝各
灌本溝田北洋溝灌北平國權上生院田陳埭溝灌本
溝田○北來瀝溝三北來瀝溝甯海鎮後溝各灌本溝
田嶠浦溝灌本溝及北來瀝田○嶠浦塘溝三洪侃屋後
溝灌本溝田嶠浦溝灌小嶠浦田高欽屋後溝灌本溝
田○渡頭段溝一號新姚溝灌本溝田

北大溝一通小溝一十有二自獐塘至吳刀匯於魏塘
接太保莊而下○獐塘溝四後疆圳溝陳墩前溝圳股
溝各灌本溝田蘇塘東溝灌瀝源田○竿墩塘溝二猪
肝溝竹墩溝各灌本溝田○菱浦塘溝四方埭溝灌古